

第〇四三冊

曆象彙編

庶徵典

雨災部

雨異部

露異部

雹災部

旱災部

(卷)

九

八

二一三

三三三

六六九

古今圖書集成

中華書局影印

新
刊
四
庫
全
書
目
錄

卷一百一十五

古今圖書集成

古今圖書集成

中華書局影印

欽定古今圖書集成曆象彙編庶徵典

第七十九卷目錄

雨災部彙考五

明太祖洪武四則 成祖永樂六則 宣宗宣德三則 英宗正統二則 代宗景泰二則 憲宗成化八則 孝宗弘治五則 武宗正德四則 世宗嘉靖二十四則 穆宗隆慶三則 神宗萬曆二十則 熹宗天啓二則 崇禎五則 皇清康熙一則

雨災部藝文一

愁霖賦 魏文帝
愁霖賦 曹植
愁霖賦 應瑒
愁霖賦 晉陸雲
患雨賦 傅咸
苦雨賦 潘尼
陰霖賦 成公綏
賀雨晴狀 唐張九齡
潮州祈晴祭湖神文 韓愈
苦雨賦 李觀
雨災減放稅錢德音 編制
謝晴青詞 宋王安石
天地社稷宮觀祈晴祝文 前人
五嶽四瀆諸廟祈晴祝文 前人
奏乞放宣城縣客苗 眞德秀
癸酉七月進故事一條論久雨 前人
庚午六月十五日輪對奏劄一 前人
求晴設醮青詞 前人
祈晴祝文 前人

又 前人

祈晴感應報謝祝文 前人

祈晴設醮青詞 前人

東嶽清源洞祈晴疏 文天祥

雨災部藝文二

苦雨

久雨

苦雨

苦雨

次韻和君實苦雨三首

久雨

六月雨多害稼

雨災部選句

雨災部紀事

前人

前人

前人

晉傅休奕

唐殷堯藩

姚合

林寬

宋沈遘

李昭玘

明陳琛

庶徵典第七十九卷

雨災部彙考五

明

太祖洪武二年饒州霪雨

按江西通志云云

洪武八年溫州大雨

按浙江通志洪武八年七月溫州大風雨海溢平陽男女死者二千餘口永嘉樂清瑞安沿江皆泮沒

洪武十八年久雨

按大政紀洪武十八年二月甲辰上以當春久雨陰晦不解間雨電雷論中外百司下至編民卒伍苟有所見盡言無諱

洪武二十三年淫雨

按湖廣通志洪武二十三年秋八月淫雨漢水暴溢由郢以西廬舍人畜漂沒無算州城陷五日乃止

成祖未樂元年久雨

按名山藏未樂元年六月以久雨命侍郎李文郁等佐尚書夏原吉相度被水田堪種者趣種之後時者除今年租稅

未樂二年大雨

按吳江縣志永樂二年五月大雨吳江田禾盡沒農民忍饑車水救田仰天而哭子女呼父母索食繞車而哭男婦壯者相率以糠雜菱蕒荇藻食之老幼入城行乞不能得多投於河六月詔賑濟民少蘇

未樂十年江西大雨邵州淫雨

按大政紀未樂十年五月甲辰江西寧縣大雨山水泛漲漂民舍事聞皇太子遣人撫恤

按名山藏永樂十年十二月邵州淫雨傷稼命御史賑之

未樂十二年秋八月淫雨害稼

按澤州志云云

未樂十四年淫雨

按大政紀未樂十四年江西南昌等府言自四月至五月淫雨水泛漲壞廬舍沒田稼命戶部遣人撫

視六月辛酉徐州沛縣淫雨傷稼六月戊子北京薊州遵化玉田通州都縣及山東商河諸州縣雨水傷

稼命戶部遣人撫視七月壬寅河南開封府十四州縣淫雨決黃河堤崖沒居民田稼癸巳山東鄒縣淫雨暴雨至壞民廬舍二百一十二戶丙申山東霪化縣暴雨傷田禾己酉永平府久雨濛濛二河溢壞民田禾廬舍命賑恤之

永樂十八年浙江霖雨
按浙江通志永樂十八年夏秋霖雨風潮壞仁和海寧二縣長安等填海塘一千五百餘丈俱沒于海
宣宗宣德元年冬十月廣州大霖雨

按廣東通志云云
宣德五年廣平等府久雨
按大政紀宣德五年十一月直隸廣平大名等府縣奏久雨沒田稼無收命戶部蠲其稅

宣德十年久雨
按大政紀宣德十年四月因天久雨水潦蝗蝻勅諭吏部都察院考察在外布按二司及府州縣官不才者照例發遣有缺仍遵宣宗勅旨舉保不許故違有犯賊罪連坐舉者

英宗正統五年順寧大雨
按雲南通志正統五年秋七月順寧大雨彌旬山崩水溢衝沒田廬不可勝計

正統八年台州嘉興大雨
按浙江通志正統八年台州四月至八月連雨麥腐八月大風雨六種無收嘉興大風雨害稼

代宗景泰元年淫雨
按浙江通志景泰元年夏淫雨傷稼
按雲南通志景泰元年秋澍江淫雨害稼斗米四錢

景泰六年六月淫雨
按名山藏云云
憲宗成化二年平陽大雨
按浙江通志成化二年五月平陽颶風大雨三日夜山崩屋壞平地水高六尺人多淹死
成化四年六月大雨
按山西通志云云
成化五年五月大雨驟漲壞稻及民舍
按四川總志云云
成化九年直隸河南大雨水
按大政紀成化九年六月廣平順德大名真定保定并河南懷慶府大雨水
成化十六年大雨
按雲南通志成化十六年六月劍川大雷雨水湧衝沒民田二百餘畝
成化十八年久雨
按名山藏成化十八年八月久雨衛漳漳沔等河漲溢連河口岸多決河南城署廬舍壞人畜死亡不可勝計
按山西通志成化十八年六月翼城大風雨壞廬舍傷稼
按潞安府志成化十八年潞州大雨連旬高河水溢漂流民舍溺死人畜甚衆
按福建通志成化十八年七月末春大雨至于八月洪水泛濫瀕溪民居淹死甚衆
成化十九年大風雨
按福建通志成化十九年六月庚辰大風雨拔木發

屋公署民廬盡壞城上敵樓頽毀一空福州九縣同日官私舡漂沒無算死者千餘人
成化二十一年久雨
按福建通志成化二十一年自春徂夏積雨連月田廬禾稼多壞
孝宗弘治十年秋太原府淫雨積旬
按山西通志云云
弘治十一年淫雨
按福建通志弘治十一年四月淫雨連日蛟龍爲孽山崩水溢有豹乘水至龜塘樹上牆垣廬舍皆壞五月大雨復作寧海橋拆壞

弘治十二年曲阜大雨
按山東通志弘治十二年夏六月夜曲阜縣大雨雷電有火自宣聖殿東北起焚毀殿廡一百二十間
弘治十四年雲南大雨
按雲南通志弘治十四年六月朔大理大雷雨點蒼白石二溪水漲漂沒民居五百七十餘溺死三百餘人七月二十五日夜河西縣太雪山崩山崩水溢衝沒田廬無計浪穹淫雨山崩水溢衝沒民居溺死百餘人
弘治十五年秋七月榆次大雨害稼及民廬舍
按山西通志云云
武宗正德元年十二月台州大風雨壞民廬
按浙江通志云云
正德二年五月略陽大雨高家山崩壓死百九十餘人
按陝西通志云云

按陝西通志云云

正德十一年河曲陽江淫雨

按山西通志正德十一年六月河曲淫雨水出縣西南民居淪圯無遺

按廣東通志十一年六月陽江淫雨山崩

正德十二年六月德平霖雨害稼

按山西通志云云

世宗嘉靖元年江寧暴雨江溢

按宋陵編年史嘉靖元年秋七月南京風雨暴至江水泛溢宮闕城垣民居多壞

嘉靖二年遼東激江久雨

按全遼志嘉靖二年夏四月己卯至壬午大雨河水泛漲衝沒田禾金州等衛男女漂溺者共一百四十名口牛馬等畜四百五十有餘傾倒民舍城垣公館甚多是歲免田租之半

按雲南通志嘉靖二年六月激江蒙化無雲而雨大水自五道河湧出有大木浮於上不知何來衝沒田廬

嘉靖三年萬州大雨
按廣東通志嘉靖三年萬州大風颶風大作雨下如注民居十僅存一舟飄陸二三里浮妻且於木父老駭之謂從古未有云

嘉靖四年安寧大雨
按雲南通志嘉靖四年安寧大雨決旬沒官民廬舍十之三

嘉靖五年福建大雨
按大政紀嘉靖五年三月福建大雨水福州府諸處自正月雨至於四月不絕平疇蕩為巨浸且海澄山

鳴旗鼓自蜚知府汪文盛上其狀乞賜蠲賑且乞自罷以謝天譴章下戶部議賑從之

嘉靖八年垣曲翼城平陸大雨

按山西通志嘉靖八年垣曲大雨山水圯城西南翼城平陸大雨四十餘日傷禾

嘉靖十一年秋淫雨彌月蟲殺稼

按湖廣通志云云

嘉靖十四年大雨

按全遼志嘉靖十四年大雨連月自四月至六月不止河水泛漲平地深丈餘是年大饑

按陝西通志嘉靖十四年六月河州衛暴雨洪水河溢十數丈西東六十里淹溺軍民房屋牛羊無數

按浙江通志嘉靖十四年杭州自春及秋恆雨

按雲南通志嘉靖十四年夏大雨連月自四月至六月不止河水泛漲平地深丈餘禾盡沒是歲人饑

嘉靖十五年長興晝夜風雨壞民廬無算

按浙江通志云云

嘉靖十六年平陸景東大雨

按山西通志嘉靖十六年平陸大雨溺店頭村
按雲南通志嘉靖十六年八月景東淫雨害稼

嘉靖十七年穀城暴雨

按湖廣通志嘉靖十七年四月穀城暴雨沙河湧異物若龜水流殺人

嘉靖二十年榆次淫雨

按山西通志嘉靖二十年六月榆次淫雨冷水溢漫流四十里泊田居人多所墊溺詔免田租

嘉靖二十二年春郴州積雨

按湖廣通志云云

嘉靖二十六年同安大雨

按同安縣志嘉靖二十六年丁未七月初九日大雨達旦溪流泛漲城不沒者三版識者曰水兵象也逮冬至前一日安溪流賊百餘人突至多所殺掠擄去索贖者甚衆

嘉靖二十八年武定淫雨水溢山崩

按雲南通志云云

嘉靖三十二年台州大風雨害稼

按浙江通志云云

嘉靖三十三年富民大雨漂沒田廬

按雲南通志云云

嘉靖三十六年台州雲南大雨

按浙江通志嘉靖三十六年台州大風雨害稼
按雲南通志嘉靖三十六年夏六月淫雨大水禾淹沒

嘉靖三十七年慶陽鶴慶淫雨

按陝西通志嘉靖三十七年七月慶陽淫雨如注秋禾盡損民廬市舍傾圮南城再崩死者甚衆

按雲南通志嘉靖三十七年七月鶴慶淫雨水溢越三十八日始消米粟騰價

嘉靖三十八年大霖雨

按大政紀嘉靖三十八年六月京師大霖雨帝令司禮監祈晴禁屠停刑

按雲南通志嘉靖三十八年六月二十五日夜鶴慶漁塘村雷雨大作山崩水溢壞民居一百餘所死者不可勝計

嘉靖三十九年夏四月惠州大雨

按廣東通志云云

嘉靖四十年七月姚安淫雨傷禾

按雲南通志云云

嘉靖四十二年平陸姚安淫雨

按山西通志嘉靖四十二年夏四月平陸淫雨連綿四月餘園圃皆淤

按雲南通志嘉靖四十二年八月姚安淫雨決旬江水溢衝沒民田

嘉靖四十二年福建淫雨

按福建通志嘉靖四十三年五月淫雨不止大水入郡城鄉村皆没人畜多死是年五月十七日德化暴雨黎明縣前水深丈餘冲激之聲若雷民居漂流過半男女逃縣後山須臾間街之南北不可相通東城崩壞無餘

穆宗隆慶元年久雨

按福建通志隆慶元年四月初八日雨至五月初一日乃止

隆慶二年大雨

按河南通志隆慶二年秋汴城大雨三日城中用水車撤水出城

隆慶四年汝寧大雨傷麥

按河南通志云云

神宗萬曆元年石屏淫雨

按雲南通志萬曆元年二月至八月石屏淫雨河水漲傾城堞田廬

萬曆二年山陰大雨

按山西通志萬曆二年山陰大雨七日夜平地水深丈餘禾稼盡沒歲大饑

萬曆三年大同久雨

按山西通志萬曆三年秋七月大同大雨馬邑雨四十日壞城垣廬舍千餘

萬曆七年大雨

按山東通志萬曆七年六月晦大雨山摧石崩淤田畝漂居民没人畜無數

按吳江縣志萬曆七年五月久雨大水連天長洲吳江常熟崑山華亭諸縣一望無際禾苗淹盡

按廣西通志萬曆七年五月北流縣大雨漂沒城垣民舍溺死者男婦二十餘人

按雲南通志萬曆七年武定大雨溺死者甚衆

萬曆八年秋淫雨壞稼

按陝西通志云云

萬曆十一年興安州暴雨

按陝西通志萬曆十一年癸未夏四月興安州猛雨數日漢江漲溢傳有一龍橫塞黃洋河口水壅高城丈餘全城淹沒公署民舍一空溺死者五千餘人闔家全溺無稽者不計數城南民居高埠者于黎明時遙望江上大船旗幟擁衛若官府點查之狀

萬曆十四年二月瑞州大雷雨

按江西通志云云

萬曆十六年交城大雨水

按山西通志萬曆十六年交城大雨水沒田傷人畜甚衆趙城大雨冲沒廬舍城垣

萬曆二十五年嚴州大風雨壞田萬餘畝

按浙江通志云云

萬曆二十七年淫雨

按山西通志萬曆二十七年夏山陰淫雨壞官民廬舍

按陝西通志萬曆二十七年大雨晝夜十日土窖皆陷

萬曆二十九年末春金堂雨

按福建通志萬曆二十九年七月末春霖雨數日大水自山中發溢入郡城

按四川總志萬曆二十九年十一月朔金堂縣大雷雨

萬曆三十一年汝寧寧安淫雨

按河南通志萬曆三十一年春汝寧淫雨七旬

按雲南通志萬曆三十一年七月寧安雨六十餘日

萬曆三十三年馬邑霖雨

按馬邑縣志萬曆三十三年五月十五十七十九凡三日大雨震電壞民屋禾苗皆沒于水

萬曆三十四年東鹿大雨渾沌河溢午夜入城水深數尺

按畿輔通志云云

萬曆三十七年福建大雨

按福建通志萬曆三十七年八月大雨初六日烏石山崩山南有新立阮公祠近仁王寺是日暴雨山崩祠盡毀壓死者數人

萬曆四十一年大雨

按山東通志萬曆四十一年夏大旱七月七日大風雨越二日海溢

萬曆四十三年靜樂大雨

按山西通志萬曆四十三年秋八月靜樂大雨四十日水高丈餘壞屋舍禾稼甚廣

萬曆四十四年南安贛州淫雨

按江西通志萬曆四十四年五月南安贛州淫雨蛟蜃並出水湧丈餘

按贛州府志萬曆四十四年丙辰五月初一二三日淫雨不止蛟蜃並出一夜水高數丈初四日灌郡城東北街市及瀕河室廬六鄉田禾俱被淹沒男婦溺死者無算零都信豐亦然部使者疏云駕篋于城垣之上繫纜于麗譙之間托寢處于屋脊寄觀樞于棟梁高臥華胥而夢魂已汨沒於洪濤晨炊舉火而并白倏推遷于巨浸蓋字字滴泪矣幸而朝廷僉三院之請贛寧二縣淮南二米仍改折如四十二年例餘縣俱從寬恤

萬曆四十五年恭城大雨

按廣西通志萬曆四十五年丁巳八月初四日恭城縣陰雲密布雨下如注山澗水湧連崩一十三嶺樹木拔折綠江鱗介之物死者無算巨木散材河涯堆積如山人云有蛟龍出焉

萬曆四十七年成都大雨

按四川總志萬曆四十七年三月成都大雨連日夜江漲堤毀

嘉宗天啓三年定遠大雨

按雲南通志天啓三年六月定遠大雨震電霧黃紅色水溢田禾廬舍溺三百餘人性畜無算
天啓四年七月武定大雨

按雲南通志云云

愍帝崇禎三年大雨

按雲南通志崇禎三年秋七月白井大雨水溢壞官民廬舍漂沒人口千餘填埋井口

崇禎五年淫雨

按山東通志崇禎五年秋蒲州芮城安邑垣曲淫雨四十餘日損屋害稼一望巨津魚產盈尺

崇禎八年五月暴雨鍾靈橋圯

按江西通志云云

崇禎十三年嚴州淫雨

按浙江通志云云

崇禎十四年秋淫雨

按潞安府志云云

雨災部藝文一

愁霖賦

魏文帝

脂余車而秣馬將言旋乎鄴都元雲黯其四塞雨濛濛而襲予塗漸淅以沈滯潦淫衍而橫潰豈在余之憚勞哀行旅之艱難仰皇天而太息悲白日之不暘思若木以照路假龍燭之末光

愁霖賦

曹植

迎朔風而爰邁兮兩微微而逮行悼朝陽之隱曜兮怨北辰之潛精車結轍以盤桓兮馬蹢躅以悲鳴攀扶桑而仰觀兮假九日于天皇瞻沈雲之泱泱兮哀吾願之不將又曰夫季秋之淫雨兮既彌日而成霖瞻元雲之晦晦兮聽長雷之淋淋中宵臥而歎息起飾帶而撫琴

愁霖賦

應瑒

聽屯雷之恆音兮聞左右之歎聲情慘憤而含秋今起披衣而遊庭三辰幽而重關蒼曜隱而無形雲暖暖而周馳雨濛濛而霧零排房帳而北入振蓋服之沾衣還空牀而寢息夢白日之餘暉陽中寤而不效今意悽悽而增悲

愁霖賦

晉陸雲

未寧三年夏六月鄴都大霖旬有奇日稼穡沈湮生民愁瘁時文雅之士煥然並作同僚見命乃作賦曰

在朱明之季月兮反極陽于重陰與介丘之膚寸兮墜崩雲而洪沈谷風扇而攸遂兮苦雨播而成淫天泱泱以懷慘兮民輦蹙而愁霖于是天地發揮陰陽交烈萬物混而同波兮元黃浩其無質雷憑虛以振

庭兮電凌厲而輝室雷鼎沸以駿奔兮潦風驅而競疾豈南山之暴降兮將冥海之暫溢隱隱填填若降自天高岸渙其無崖兮平原蕩而為淵遵落回于凌河兮黍稷仆于中田匱多稼于億廩兮虛風散于祈年外薄郊甸內荒都城陰無晴景雷無輟聲纖波靡于前途兮微津隔于峻庭紛雲擾而霧塞兮漫天頽而地盈于是愁音比屋歎發屢省陽堂之暉明室無景望會雲之萬仞兮想白日之寸脛感虛無而思深分對寂寞而言靖毒其雨之未晞兮悲夏日之方未瞻大辰以頽息兮仰天衢而引領愁情沈疾明發哀吟未言有懷感物傷情結南枝之舊思兮詠莊鳥之遺音美并彼之歸飛兮寄予思乎江陰渺天末以流目兮涕滂沱而沾襟何人生之倏忽痛存亡之無期方千歲于天壤兮吾固已陋夫靈龜矧百年之促節兮又莫登乎期頤哀感容之易感兮悲歡顏之難怡考傷懷于衆苦兮豈愁霖之足悲雲曇而疊結兮雨淫淫而未散晞朱陽于崇朝兮悲此日之屢晏劬豐隆于岳陽兮執赤松于神館命雲師以藏用兮繼乘龍于河漢照濛汜之清暉兮炳扶桑之始旦考幽明于人神兮妙萬物以達觀

患雨賦

傅咸

夫何遠寓之多懷患淫雨之有經自流水以迄今歷九旬而無寧庶太清之垂曜觀日月之光明雲乍披而旋合雷暫輟而復零將收雷之要月棄嘉穀于已成前渴焉而不降後患之而弗晴惟二儀之神化災水旱之有并湯元陽于七載兮堯汎汎乎九齡天道且猶若茲九人事之不平

苦雨賦

潘尼

氣觸石而結蒸兮雲膚合而仰浮雨紛射而下注兮潦波湧而橫流豈信宿之云多乃踰月而成霖瞻中唐之浩汗聽長雷之淅淅始濛濛而徐墜終霏霏而難禁悲列宿之匿景悼太陽之幽沈雲暫披而驟合雨乍息而亟零旦澼澼以達昏夜淋漓以極明龍龜遊于門闥蛙蝦蟇于中庭懼二源之并合畏黔首之爲魚處者含瘁于窮巷行者歎息于長衢

陰霖賦

成公綏

百川泛濫潢潦橫流沈寗生蛙中庭運舟右今月十日高力士宣聖旨以霖雨淫滯有害稼穡之憂將親禱上陽三日內不坐精意朝發而重陰夕霽乃數日已來遂致開朗謂天遠其應甚速遂得麥秋有望蠶事且登則知至人無心與天地合契神功潛運豈陰陽不測伏惟陛下明德自廣就業載懷所致休徵必加謙慎天聖相合福施羣生日用不知年在此臣等無功翊佐徒忝近密每有大猷承奉不暇無任欣戴慶躍之至

潮州祈晴祭湖神文

韓愈

潮州刺史韓愈謹以清酌服修之奠祈于太湖神之靈曰稻既稔矣而雨不得熟以穫也蠶起且眠矣而雨不得老以簇也歲且盡矣稻不可以復種而蠶不可以復育也農夫桑婦將無以應賦稅繼衣食也非神之不愛人刺史失所職也百姓何罪使至極也神聰明而端一聽不可濫以惑也刺史不仁可坐以罪惟彼無辜惠以福也剗剗雲陰卷月日也幸身有衣

口得食給神役也充上之須脫刑辟也選牲爲酒以報靈德也吹擊管鼓侑香潔也拜庭跪坐如法式也不信當治疾殄殛也神其尚饗

苦雨賦

李觀

帝何爲乎何謫歲何爲乎何祥水何爲乎競火陰何爲乎乘陽易曰大人者與天地合其德日月合其明今則反矣所謂合德者變化合其序所謂合明者進退合其常今則反矣夫君德行乎天下德行乎上行乎上者下合行乎下者上讓今世則反矣謂之合德則非應謂之合明則迷謂之大人之德有時而不合天地之德有時而妄用堯之代九州淪胥湯之代天下焚如彼二后者帝矣王矣其所有不合者乎蓋所以天道遠人道邇不可以知約不可以知窮已平客曰非也夫堯之德合天以仁天合亦以仁夫湯之德合天以時而天合亦以時故堯曰惟天爲大惟堯則之湯曰伊尹相湯代桀升自陶堯所以爲帝湯所以爲王其與天地合其德與日月合其明矣子誣聖人吾不取矣由是堯之水堯民不悲湯之旱湯民不饑故誌曰聖人在上覆不爲災其是之謂乎子何陋矣曰噫吾聞之存不忘亡安不忘危人君之知也又聞一夫不獲其所則曰時予之辜人君之仁也今淫雨彌月莫觀天符雨陰氣也陰疑于陽必戰其水平其兵乎下民有不獲者乎予豈若商之惠利農之憂苗契之在朝也夫湯之旱而民不饑者伊尹仲虺之爲臣也是雖八年之水賢乎三季七年之旱賢乎二世所謂有德者災非其咎無德者吾見其無災而爲害

也故神降于莘說之災也焚惑守心宋之祥也二國
猶然堯湯之德孰曰不動天地乎

雨災減放稅錢德音

編制

門下朕恭臨寶位祇嗣丕圖勤卹憂兢夙夜匪懈懼
天下之目專專然以觀予勤懼天下之耳顒顒然以
聽予言何嘗發一言不遵祖宗之法制動一事不副
卿士之羣心雖克己甚勞誠心無逸驅時風于朴素
絕進取于爭馳便于人者無不為厚于身者無不去
然而惠化猶缺慇懃未行殘鹵在邊尚煩饋餉狂童
叛潞猶擾干戈蓋不得已而用之事有違其志者願
惟寡昧慙歎方深今朝野叶心忠良同志共除氛祲
日冀清平而秋雨經旬有妨收穫雖云苗稼未害亦
恐陰沴為災慮生人之疾苦未蠲刑獄之滯冤未理
勵堯舜敬天之意當夕與嗟度禹湯罪己之心詰朝
下詔凡畿甸差科終年無已百司取給供億實多其
京兆府秋稅及青苗錢其放八百萬便委張賈與諸
縣令同商量各據所損多少作第減放更不用檢覆
煩于申奏其合徵納物仍量與寬限容待路通後輸
納如聞貧人未及種麥仍委每縣量人戶所要貸與
種子寬限至麥熟日填納如京兆府自無種子即據
數聞奏太倉給付其御史臺京兆府所有囚徒委宰
臣一人與左僕射王起御史中丞李回就都省疏理
如情狀可矜者便委決遣其諸州府囚徒亦委長吏
親自疏理勿令冤滯於戲水旱之災陰陽定數實當
非德合恤疲人施令布恩期于蘇息凡厥臣庶宜體
朕懷會昌三年九月二十一日

謝駉青詞

宋王安石

伏以密雲作雨暘不時若蒙神賜祐苗沴用除奔走
祓齋以謝靈貺祀儀有秩不敢怠忘

天地社稷宮觀祈晴祝文

前人

積陰為沴淫雨勿止蕩決漂墊將為民苗懼德不類
以干咎罰是用齋祓宗祀明靈冀蒙垂矜遂獲開霽
休嘉之錫實被含生

五嶽四瀆諸廟祈晴祝文

前人

淫雨弗止將為民苗懼德不孚以罹咎罰是用奔走
禱于明神惟神監觀惠以時暘非民獨蒙嘉福神亦
未有休亨

奏乞放宣城縣零苗

真德秀

臣一介疎庸誤蒙推擇將漕江左深惟連年入侍軒
墀具見明天子惻怛愛民入境之初首務布德意以
圖稱塞今有見之詞牒採之衆論民以為困者不敢
不以具聞臣照得寧國府宣城縣清流等九鄉水田
及官民圩田去歲潦傷頗甚本司雖差迪功郎太平
州司戶參軍趙汝詹同承奉郎知寧國府宣城縣尤
煡于嘉定七年九月前去編行檢視統縣計放二分
二釐四毫共米三萬一千二十七石四斗二升二合
綠人戶薦饑之後生理未盡復舊遭此水患輸納必
是費力兼目今水勢未蘇又當起催復稅竊慮府縣
催督零分苗欠無所從出以致重困臣今將本縣前
項被潦鄉分殘零苗欠權與倚閣候秋成理納少寬
目前外謹錄奏聞伏候勅旨

癸酉七月進故事一條論久雨

前人

高宗日曆建炎三年六月二日己酉宰執進呈天上
日太史奏久陰霖雨不止占為陰盛下有陰謀霖雨

者人怨所致早晚差寒天道不順寒陰反節朕觀晉
史天文志備言其辭恐失其當以名天變

臣聞災異者天地之戒也古先哲王嚴于自儆故
其遇災也常以為人事之所召後世之君樂于自
恕故其遇災也常以為天數之適然治亂存亡之
分未有不基于此者恭惟高宗皇帝勤勞恭儉紹
開中興憂閔元元力力行仁政求諸當時未見闕失
而久陰霖雨之變惕然自省遽以為人怨之所致
大哉聖言可謂深知天人相與之際矣臣伏觀春
夏以來淫雨過度都城之內細民失業近畿諸邑
山裂水涌淪胥以死者不可勝計仰惟陛下畏天
敬民無愧前聖固宜殊祥異瑞史不絕書而謹告
諄諄迺與事戾何耶臣伏而思之此殆更刻急而
民咨怨之所致也夫朝廷張官置吏凡以為民改
法易令亦以為民而今長人之官能布宣德意勤
卹民隱者何其甚寡而依勢作威依法以削者何
其紛紛也假稱提格幣之令而科斂齊民借推抑
兼井之名而破壞富室期會峻于星火爭利極于
錐刀于是培斂與而民始怨矣不窮告計之虛實
而廣事株連不原情犯之重輕而例行拘籍甚而
父子銜冤赴井相踵丘墳何罪亦沒縣官于是刑
僇繁而民始怨矣夫天之與人本同一氣故有匹
婦非辜而赤地千里者况民生嗷嗷如此天豈不
為之動乎臣願陛下以昊天孔明為不可忽以皇
祖有訓為不可忘日與輔拂之臣講求寬大之政
亟下明詔申勅有司蠲除煩苛與民休息若是而
災害弗除嘉祥弗應者非所聞也臣不勝惓惓

庚午六月十五日輪對奏劄一 前人

臣恭惟陛下天資高明克自抑畏檢身約已敬天愛民有前代帝王之所不及者固宜至和之氣蟠塞穹壤而歲比旱蝗民以病告喁喁之望日俟有秋乃仲夏以來常陰爲沴淫雨連互閱月彌旬開當開霽旋復霧雲湖水暴漲溢入都城細民失業粒食翔貴近畿州縣被災者廣或頽城郭沒官寺毀廬舍溺人民決壤隄防滄沒田畝平疇沃壤浩如濤波是非小變也陛下亦嘗察其故乎蓋自柄臣擅政導諛成風更化以還餘習未殄早曠酷矣或謂其不傷農蝗螟熾矣或謂其不食稼元元愁苦之狀有閭巷知之而士大夫不知者士大夫知之而廟堂不知者况陛下深居九五其能盡知之乎下情不通民隱莫訴故作淫雨京畿尤甚將以感悟宸衷亟圖維新之政天心仁愛蓋可見也陛下惕然祇懼禱祠賑卹細大畢舉休徵潛格雲陰洞開臣愚竊慮陛下狃于目前之應不復推原致異之由天意靡常九足深懼臣謹按春秋莊公十一年宋大水董仲舒以爲陰盛之所致嘉祐水災歐陽修上疏曰水陰也兵亦陰也修之言蓋爲當時發若推類而言之則宮庭嚴密之地左右幾近之私陰也內而奸邪外而盜賊亦陰也人君者秉至陽之德以御衆陰故主道宣明則陽暢陰伏各由其序而弗爲災否則陰盛而忤陽各徵之來未有不緣類而著見者天人相與之際甚可畏也陛下聖性澹然固無便嬖女謁之累然除授命令間煩特旨賁緣請託侵紊成憲倘或有之倖門既開奔走日衆豈所以杜幾微而窒萌漸乎此陰沴所爲而作也更化之

初分別淑慝國論嘗一定矣衆正在庭元氣充實奸邪之黨尚肆窺覷一二年來俊賢者艾引去相踵甚而二三近臣之進退倉猝皇遽或不知所從來于是善良之士浸不自安而窺伺者益衆矣朝廷紀綱奇于給舍維持法守政所當然聞諸道塗顧猶有不得其職者紀綱一廢何事不生臣恐憚人非類洋洋乎動心矣此陰沴所爲而作也弄兵之徒日益披猖彼其庸聚之始非有跳梁不可制之勢也使陛下帥守得人監司得人撲其篲于未張一巡尉力耳奈何擁兵之帥或萌玩寇之心分土之臣各啓幸功之念養成癰疽馴致決潰乃始草薶而禽獮之世豈有斃千萬人于干戈而天不爲之變者或者幸其納降曲意招誘不知損威喪重適啓奸心二者蓋胥失矣寇虐肆行流毒甚慘啓啓之衆額辜于天此又陰沴所爲而作也抑臣聞之滂于夏者其秋必早陰盛之極陽必生焉漢儒之言厥有深指今庫下之田既厄于水設不幸七八月之間雨弗時至高田之稼復壞于垂成饑饉相仍愁歎滋甚豈獨嗣丁通卒能爲患哉比者三衢之事蓋可鑒已陛下誠能念災變之可畏思君道之當修秉持乾剛法象天德開公正之路窒邪枉之蹊使裏閭不忤于朝外言不納諸捆以絕近幸侵權之端尊信仁賢容受忠讜使正人端士得以行其志而僉邪巧佞不得售其私以抑小人道長之漸淮甸創殘之餘遼東良牧寄以赤子之命招輯流民咸俾奠居收瘞遺骸勿令暴露江湖之間寇孽方煽申敕帥守戮力同心仍遣王人銜命督護整齊師律激勵士心以挫羣盜方張之銳則積陰之沴庶乎其

可銷方來之患庶乎其可弭也易之初六曰履霜堅冰至古之聖人于陰之將盛不忘戒謹如此今災異頻仍證應甚著陛下可不亟加聖心乎臣以疎庸備位史館睿思拔擢俾攝禁林倦倦愚忠冀一吐露久矣幸因進對敢竭芻蕘之思意切言狂惟陛下裁赦

求晴設醮青詞

前人

稽事方興咸切豐年之願梅霖不已復罹積潦之災慨念平時卷爲巨浸雷體塗足二時殫種蔣之功疾首痛心一旦墮渺茫之境惟德弗類上干至和彼民何辜使就死地願收陰沴亟煥陽明庶幾高印之獲全尚或有無之相補于神特嘯吸之易而民免溝壑之憂瀝懇投誠鞠躬請命

祈晴祝文

前人

旱蝗連歲民力已殫霖潦彌旬田功將廢顧眇躬之不德嗟有衆之何辜亟控精忱願祈休應掃除陰沴煥赫陽明庶寬暑雨之吝迄底豐年之慶

又

前人

首夏以來常陰爲沴昔既妨于蠶麥今復害于桑盛載循非涼尤重兢惕冀蒼蒼之垂憫俾白日之顯行免貽稽事之憂少慰農人之望

祈晴感應報謝祝文

前人

比以積陰于陽淫雨爲沴田疇告病閭巷興嗟祗露丹衷懇祈鴻覆大明有赫宿潦頓收仰繫善應之仁或濟倒垂之急敬伸報謝庸表精忱終祈大造之曲成庶或豐年之有望

祈晴設醮青詞

前人

伏以事天事地夙聲精忱時雨時暘未臻休應念茲

蠶月重以麥秋詎意淡旬之間偶遭霖潦之變三盆
將獻恐妨就養之工五穀最先懼失食薪之望况連
歲旱荒之相踵而四方愁歎之未紓重罹此災一至
斯極皇矣上帝本溥博以好生今此下民將困窮而
陷死願同慈愍亟掃陰霾庶寬災餒之憂少追非京
之責無任懇禱之至

東嶽清源洞祈晴疏

文天祥

三農之望有秋宜云至切六月而得甘雨顧以為憂
蓋南邦田事之最先而閏歲天時之尤蚤瞻平時之
綺錯蔚多稼之雲連父老相誇謂積年之未覩妻孥
共喜幸一飽之可期儻未息于霑濡將有妨于刈穫
垂成而毀茲豈造物之心轉戚為忻特煩彈指之力
願賜兼旬之明霽庶償終歲之勤勞瀝懇輸誠鞠躬
俟命

雨災部藝文二

詩

苦雨

晉傅休奕

徂暑未一句重陽翳朝霞厥初月離畢積日遂滂沱
屯雲結不解長漚周四阿霖雨如倒井黃潦起洪波
湍深激牆隅門庭若決河炊爨不復舉甕中生蛙蝦
久雨

唐殷堯藩

雲影蔽遙空無端淡復濃兩旬綿密雨二月似深冬
詩酒從教數簾幃一任重孰知春有地微露小桃紅
苦雨

姚合

江昏山半晴南阻絕人行葭菼連雲色松杉共雨聲
早秋仍燕舞深夜更鼉鳴為報迷津客詎言未可輕
苦雨

林寬

霖霖翳日月窮巷變溝坑驟灑纖枝折奔傾壞堵平
蒙荏來客絕躍聲蛙噪蛙聲敗展陰苔積摧簷濕菌生
斜飛穿裂瓦迸落打空鏽葉底遲歸蝶林中滯出鶯
潤侵書縫黑冷浸蟬絲明隔暗參差影塔寒斷續聲
尺薪功比桂寸粒價高瓊遙遙管絃無因識此情
次韻和君實苦雨

宋沈遼

浩浩雨不止寥寥風且寒敢言裘褐具尚幸室廬完
彌月天形晦無時輟跡乾田臯何處在誰復顧蕭蘭
其二

其三

不見清秋月悠悠已過弦重陽初未解委照固無偏
安得長風御都驅宿霧旋還當三五夕圓魄斷當天
其二

其三

積潦高秋厚幽居病客心每憐荷折蓋猶愛菊包金
獨坐有餘恨臨觴莫厭深多情省郎直未夜祇清吟
久雨

李昭玘

苦雨經旬久溟濛勢未收細聲來短蓋橫點透重裘
澗曲水流急峰深雲氣浮此生吾自喜所念老農憂
六月雨多害稼

明陳琛

野氣蒼忙曉半開蟲蟲地底又聞雷晴鳩報喜雨鳩
到五月糶新六月來租稼滿供和尙樂農夫盡作杜
鵑哀書生才拙無經濟空坐吟風弄月臺

雨災部選句

晉陸機詩迅雷中宵激驚電光夜舒元雲拖朱閣振
風薄綺疏豐注溢修雷洪潦浸塔除停陰結不解通
衢化為渠決穰湮梁穎流民沂荆徐
張協詩霖澍過二旬散漫亞九齡階下伏泉涌堂上
水衣生洪潦浩方割人懷昏墊情沈液漱陳根綠葉
腐秋莖
唐杜甫詩三日無行人二江聲怒號流惡邑里清矧
茲遠江臯荒庭步鶴鶴幾凡望波濤

雨災部紀事

述異記周穆王時天下連雨三月穆王乃吹笛其雨
遂止

說苑宋大水魯人弔之曰天降淫雨谿谷滿盈延及
君地以憂執政使臣敬弔宋人應之曰寡人不佞齋
戒不謹臣封不修使人不時天加以殃又遭君憂拜
命之辱君子聞之曰宋國其庶幾乎問曰何謂也曰
昔者夏桀殷紂不任其過其亡也忽焉成湯文武知
任其過其興也勃然夫過而改之是猶不過也故曰
其庶幾乎宋人聞之風興夜寐早朝晏退弔死問疾
戮力宇內歲豐政平嚮使宋人不聞君子之語則年
穀未豐而國未寧詩曰佛時仔肩示我顯德行此之
謂也

後漢書任文公傳文公為治中從事時大旱白刺史
曰五月一日當有大水其變已至不可防救宜令吏
人豫為其備刺史不聽文公獨儲大船百姓或聞頗
有為防者到其日早烈文公急命促載使白刺史刺
史笑之曰將中天北雲起須臾大雨至晡時瀟水涌

起十餘丈突填廬舍所害數千人文公遂以占術馳名

長沙者舊傳文度字仲孺爲郡功曹吏時霖雨廢人業太守憂悒度補戶曹奉教齋戒在社三日夜夢白頭翁謂曰爾何來遲翼旦度具白夢于太守曰昔禹夢青繡文衣男子稱蒼水使者禹知水脈當若據此夢將其比也明日果大霽

三國魏志楊阜傳阜遷將作大匠時初治宮室發美女以充後庭數出入弋獵秋大雨震電多殺鳥雀阜上疏曰臣聞明主在上羣下盡辭堯舜聖德求非索諫大禹勤功務卑宮室成湯遭旱歸咎責己周文刑于寡妻以御家邦漢文躬行節儉身衣弋絺此皆能昭令問貽厥孫謀者也伏惟陛下奉武皇帝開拓之大業守文皇帝克終之元緒誠宜思齊往古聖賢之善治總觀季世放盪之惡政所謂善治者務儉約重民力也所謂惡政者從心恣欲觸情而發也惟陛下稽古世代之初所以明赫及季世所以衰弱至于泯滅近覽漢末之變足以動心誠懼矣曩使桓靈不廢高祖之法文景之恭儉太祖雖有神武于何所施其能邪而陛下何由處斯尊哉今吳蜀未定軍旅在外願陛下動則三思慮而後行重慎出入以往鑒來言之若輕成敗其重頃者大雨又多卒暴雷電非常至殺鳥雀天地神明以王者爲子也政有不當則見災譴克己內訟聖人所記惟陛下慮患無形之外慎明纖微之初法漢孝文出惠帝美人令得自嫁項所調送小女遠聞不令宜爲後圖諸所繕治務持約節書曰九族既睦協和萬國事思厥宜以從中道精心計

謀省息費用吳蜀以定爾乃上安下樂九親熙熙如此以往祖宗心歡堯舜其猶病諸今宜開大信于天下以安衆庶以示遠人時雍丘王植怨于不齒藩國至親法禁峻密故阜又陳九族之義焉詔報曰間得密表先陳往古明王聖主以諷聞政切至之辭款誠篤實退思補過將順匡救備至悉矣覽思苦言甚嘉之

晉書符堅載記堅討姚萇于北地斷其運水之路萇衆危懼人有渴死者俄而降雨于萇營營中水三尺周營百步之外寸餘而已于是萇軍大振堅方食去案怒曰天其無心何故降澤賊營

朝野僉載景雲中西京霖雨六十餘日有一僧名寶嚴自言有術法能止雨設壇場誦經呪其時禁屠宰寶嚴用羊二十口馬兩匹以祭祈晴經五十餘日其雨更盛于是遂僧其雨遂止

唐書楊國忠傳大雨敗稼帝憂之國忠擇善承以進曰雨不爲災扶風太守房瑄上郡災國忠怒遣御史按之後乃無敢以水旱聞皆前伺國忠意乃敢啓

尚書故實牛相公僧孺鎮襄州日以久旱祈禱無應有處士不記名姓衆云參龍者公請致雨處士曰江漢間無龍獨一洑泊中有之黑龍也強驅逐必慮爲災難制公固命之果有大雨漢水泛漲漂溺萬戶處士懼罪亦亡去十年前有人他處見猶在

西朝寶訓大中初京師管淫雨涉月將害案盛分命禱告百無一應宣宗一日在內殿顧左右執鑪降階踐泥焚香仰觀若自責者久之御眼沾濕感動左右旋踵而急雨止翌日而凝陰開比秋而大有年

容齋四筆海內雨暘之數郡異而縣不同爲守爲令能以民事介心必自知以時禱祈不待上命也而省部循案故例但視天府爲節下之諸道轉運司使巡內州縣各詣名山靈祠精潔致禱然固難以一槩論乾道九年秋嶺南連雨暴漲予守嶺方多備土囊壅諸城門以杜水入凡二日乃退而臺符令禱雨予格之不下但據實報之已而聞吉州於小廳設祈晴道場大廳祈雨問其故郡守曰請霽者本郡以淫潦爲災而請雨者朝旨也其不知變如此殆爲威侮神天幽冥之下將何所据憑哉徒語笑林謂兩商人入神廟其一路行欲晴許賽以豬頭其一水行欲雨許賽羊頭神顧小鬼言晴乾吃豬頭雨落吃羊頭有何不可正謂此耳坡詩云耕田欲雨刈欲晴去得順風來者怨若使人入禱輒遂造物應須日干變此意未易爲庸俗道也

明外史劉健傳武宗嗣位京師淫雨自六月至八月健等乃上言陛下登極詔出中外歡呼今兩月矣未聞汰冗員幾何省冗費幾何詔書所載徒爲空文此陰陽所以失調雨暘所以不若也如監局倉庫城門及四方守備內臣增至數倍朝廷養軍若匠費鉅萬計僅足供其役使寧可不汰文武臣曠職債事虛糜廩祿者寧可不黜盡史工匠濫授官職者多至數百人寧可不罷內承運庫歲支銀百餘萬初無文簿司鑰庫錢數百萬未知有無寧可不勾校至如縱內苑珍禽奇獸放遣先朝宮人皆新政所當先而陛下悉牽制不行何以慰四海之望帝雖溫詔答之而押近羣小左右宦豎日恣增益且日衆

鄧繼曾傳繼曾授行人世宗卽位之四月以久雨疏言明詔雖頒而廢閣大半大獄已定而遲留尚多擬旨間出於中人奸諛漸倖於左右禮有所不遵孝有所偏重納諫如流施行則寡陛下修己親賢之誠漸不如始故天降靈雨以示警戒伏願出令必信斷獄不甞事惟咨於輔臣寵勿啓於近習割恩以定禮稽古以崇孝則一念轉移可以消天災答天戒矣

王廷傳廷爲左都御史隆慶元年六月京師雨潦壞廬舍命廷督御史分行賑恤

見聞搜玉淮安壩上一婦人以賣好爲生計其女將及笄恐出嫁則失利矣乃召徽商先汚之女知母意不良且不可違也給之曰妾當終身侍奉汝可歸萬一點檢恐有乘機竊取者商信之比出門卽自刎商見而驚之忙奔回及旦其母恐壻家之索女也許病死入殮了無覺之者天爲淫雨連月官司百禱不止理刑曰凡爲善而不得其死必有所致之者東海殺孝婦而三年旱安知今日無類此者也宜速出令但爲旌善不記其他撫院乃懸榜招之其母以實報撫院率諸司往拜其墓天卽轟然大雷日出而雨止卽以上聞乃封其墓而立祠焉

第八十卷目錄

兩異部彙考一

觀象玩占 兩異雜占

兩異部彙考二

夏后氏 禹一則

商 帝辛一則

周 成王一則 襄王一則 威烈王一則 戴

秦 二世一則

漢 惠帝三則 武帝建元一則 天漢二則 則 哀帝建平一則 平帝元始一則 成帝鴻嘉一

後漢 光武帝建武 則 和帝永和一則 桓

晉 武帝泰始一則 太康一則 惠帝永康一

梁 武帝大同一則 簡文帝大寶一則

陳 後主至德一則

北魏 世祖太延一則 世宗景明一則 正始

北齊 武成帝河清二則

北周 靜帝大象一則

隋 高祖開皇三則

唐 太宗貞觀一則 高宗永徽一則 中宗嗣

實一則 代宗大曆一則 德宗貞元四則 元宗天

文宗太和一則 開成二則 懿宗咸通二則

僖宗乾符一則 廣明一則 天祐一則

光啓一則 昭宗天復一則 天祐一則

後梁 太祖乾化一則

後周 太祖廣順一則 世宗顯德二則

遼 道宗清寧一則 咸雍一則

宋 太宗淳化一則 仁宗慶曆二則 英宗治

宗元祐一則 神宗熙寧四則 元豐四則 哲

則 淳熙五則 光宗紹熙二則 寧宗慶元三則 端平一則 嘉泰一則 理宗紹定一則 則 開慶一則 嘉熙二則 淳祐二則 寶祐 則 恭帝德祐一則 景定一則 度宗咸淳一

金 世宗大定四則 哀宗天興一則

元 世祖至元一則 成宗元貞一則 大德一 則 仁宗皇慶二則 延祐一則 英宗至 治二則 泰定帝致和一則 文宗天曆一則 至 至順一則 順帝元統一則 至元四則

明 太祖洪武三則 憲宗成化五則 孝宗弘 治八則 武宗正德四則 世宗嘉靖十七 則 穆宗隆慶四則 神宗萬曆十三則 熹 宗天啓一則 愍帝崇禎十五則

兩異部總論

王充論衡 感虛

兩異部紀事

庶徵典第八十卷

兩異部彙考一

觀象玩占

兩異雜占

凡天雨下物非人間所見者皆大兵之兆其災見所

主國分

天雨土君失封五行傳曰是謂黃雉土失其性也百

姓勞苦而無功京房曰內淫亂百姓勞不省者祿則

天雨土天雨土下民叛民人負子東西莫知其鄉京

房易飛候曰主不安外戚有謀一日黃土臭如硫黃

國亡

天雨石爲政者質信不施僞詐妄行國君死亡一日

天雨石民流兵起君憂甘氏曰無雲而雷墜石於地

大及一丈形如雞子兩頭銳名曰天鼓其所下之邦

必有大戰伏尸數萬不可救近期三年遠期七年

天雨沙民饑君失國

天雨灰君暴虐無道其國亡殷紂之時天雨灰

天雨禽獸是謂不祥不出三年其下兵起一日民流

亡有喪

九族則天雨血

天雨筋其國大饑

天雨毛邪臣進賢臣逃貴臣出走京房曰天雨毛貴人憂國易主征役煩興戶口離散國饑民流下人相食一日大風爲災

天雨羽君德不道逆施天下天鏡曰天雨毛羽有喪不出九年兵起京房易飛侯曰天雨毛羽大風爲災

天雨亦雪有兵起大戰有亡國

天雨水銀是謂水失其性不出三年兵喪並起國亡

失地或曰天雨物如水銀兵將起失道之君當之

天雨金鐵是謂刑罰有餘人君殘酷賊殺無辜不出一年兵起於朝

天雨錢其國大饑有兵亂或雨於人家其家有大殃

天雨金銀鐵花兵將興失道之君當之

天雨絲綿天下有兵喪不出六年大亂

天雨絮兵起國將喪無後

天雨積狀如麻芋脆若地毛大饑人流有積骸

天雨布帛兵喪並起人流無所

天雨墨臣下有陰謀一日君無道奸臣得志不出其年國亡

天雨杵曰其國饑

天雨如釜甑歲大豐稔其形如小錢許大或從地中出其中有如小麻黍稷粟大熟世人謂之蒸餅豐稔徵也

天雨笠國大饑

天雨戟不出三年兵起凡言天雨器物皆其形似非真此物也曾見下黑雨落地皆成墨水麥遭之者皆

腐此即所謂雨墨者也

天雨五穀是謂禾不熟人君賦斂重數不出二年國之糧食京房曰天雨五穀是謂惡祥不出一年民流亡又曰國君專祿失信去賢用佞民無所向則天雨五穀或曰天雨粟不肖食祿三公易位

天雨黍爲政者去大人出走他國有將相

天雨草其歲人多兵死墨子曰國君失位專祿去賢則天雨草京房曰君悵祿信讒臣德衰厥妖天雨草

又曰火失其性則有草妖京房易飛侯曰天雨草國有殃民破亡

天雨木君臣不和讒臣進用其歲多風五穀傷民多死一曰人多兵死

天雨花國有喪一日淫侈大行國以亂亡

天雨藥其國君有咎

天雨冰水失其性有大疫

天雨木冰上陽施不下通下陰地不上達故雨而木爲之冰劉向曰冰陰之盛而水滯木者少陽貴臣卿大夫之象陰氣脅木先寒故得雨即冰其占爲大臣死或謂之木介介者破甲之象也按此占言或遇

云雨異者因而雨至氣何以獨爲豐年之兆焉時雨金三日豈必刑罰成而之應大抵人君遇變異而加修省可耳占書所云存其說可勿泥也

雨異部彙考二

夏后氏

禹八年雨金

按史記夏本紀不載 按竹書紀年禹八年夏六月雨金於夏邑

按述異記夏禹時天雨金三日

商

帝辛五年雨土

按史記殷本紀不載 按竹書紀年帝辛五年夏雨土於亳

周

成王三十四年雨金於咸陽

按史記周本紀不載 按竹書紀年云云

按述異記周成王時咸陽雨金今咸陽有雨金原

襄王二十八年宋雨蠡

按春秋魯文公三年秋雨蠡於宋 按左傳墜而死也 按公羊傳雨蠡者何死而墜也何以書記異也

外異不書此何以書爲王者之後記異也 按穀梁傳外災不志此何以志也曰災甚也其甚奈何茅茨

盡矣著於上見於下謂之雨

按漢書五行志文公三年秋雨蠡於宋劉向以爲先是宋殺大夫而無罪有暴虐賦斂之應穀梁傳曰上下皆合言甚董仲舒以爲宋三世內取大夫專恣殺

生不中故蠡先死而至劉歆以爲蠡爲穀災卒遇賊墜而死也

威烈王七年雨金

按史記周本紀不載 按封禪書櫟陽雨金秦獻公

自以為得金瑞故作畦時櫟陽而祀白帝按文獻通考作顯王

年七
赧王三十一年雨血

按史記周本紀不載 按文獻通考赧王三十一年雨血齊千乘博昌之間方數百里雨血沾衣時燕昭王伐齊齊潛王出奔為楚將淖齒所弑

秦

二世元年雨金

按史記秦始皇本紀不載 按述異記二世元年宮中雨金既而頃刻皆化為石

漢

惠帝二年雨金

按漢書惠帝本紀不載 按述異記惠帝二年宮中雨黃金黑錫

三年桂宮陽翟雨米

按漢書惠帝本紀不載 按五色線伏虔古今注云

惠帝三年桂宮陽翟俱雨稻米

四年雨血

按漢書惠帝本紀四年三月宜陽雨血 按五行志惠帝二年天雨血於宜陽一項所劉向以為赤眚也

時諸呂用事讒口妄行殺三皇子建立非嗣及不當立之王退王陵趙堯周昌呂太后崩大臣共誅滅諸呂僵尸流血京房易傳曰歸獄不解茲謂追非厥咎

天雨血茲謂不親民有怨心不出三年無其宗人又曰依人祿功臣僂天雨血按雨血宜陽紀作四年志作二年今從紀補次

武帝建元四年天雨粟

按漢書武帝本紀不載 按博物志云云

天漢元年雨白毛 按漢書武帝本紀不載 按五行志天漢元年三月天雨白毛

天漢三年雨瘴

按漢書武帝本紀不載 按五行志三年八月天雨白瘴京房易傳曰前樂後憂厥妖天雨羽又曰邪人進賢人逃天雨毛

師古曰凡言瘴者毛之強曲者也音力之反

元帝永光二年天雨草

按漢書元帝本紀不載 按五行志永光二年八月天雨草而葉相膠結大如彈丸京房易傳曰君吝於祿信衰賢去厥妖天雨草

竟寧元年雨穀

按漢書元帝本紀不載 按博物志竟寧元年南陽郡雨穀小者如黍粟而青黑味苦大者如大豆赤黃豆如麥下三日生根葉狀如大豆初生時也

成帝鴻嘉四年雨魚

按漢書成帝本紀不載 按五行志鴻嘉四年雨魚於信都長五寸以下

哀帝建平四年雨血

按漢書哀帝本紀不載 按五行志建平四年四月山陽湖陵雨血廣三尺長五尺大者如錢小者如麻子後二年帝崩王莽擅朝誅貴戚丁傅大臣董賢等皆放徙遠方與諸呂同象誅死者少雨血亦少

平帝元始三年天雨草

按漢書平帝本紀不載 按五行志元始三年正月天雨草狀如永光時京房易傳曰君吝於祿信衰賢

去厥妖天雨草

後漢

光武帝建武三十一年雨穀 按後漢書光武本紀建武三十一年陳留雨穀形如稗實

和帝永和 年長安雨綿

按後漢書和帝本紀不載 按五色線伏虔古今注漢帝永和年長安雨綿皆白

桓帝建和三年雨肉

按漢書桓帝本紀建和三年秋七月北地廉雨肉 按五行志建和三年秋七月北地廉雨肉似羊肋或大如手近赤祥也是時梁太后攝政兄梁冀專權枉誅漢良臣故太尉李固杜喬天下冤之其後梁氏誅滅

晉

武帝泰始八年雨白毛

按晉書武帝本紀不載 按五行志泰始八年五月蜀地雨白毛此白祥也是時益州刺史皇甫晏伐汶山胡從事何旅固諫不從牙門張弘等因眾之怨誣晏謀逆害之京房易傳曰前樂後憂厥妖天雨羽又曰邪人進賢人逃天雨毛易妖曰天雨毛羽貴人出走三占皆應

太康七年雨赤雪

按晉書武帝本紀太康七年十二月己亥河陰雨赤雪一項

惠帝末康元年三月尉氏雨血

按晉書惠帝本紀云云 按五行志永康元年三月

按晉書惠帝本紀云云

按五行志永康元年三月

按五行志永康元年三月

按五行志永康元年三月

按五行志永康元年三月

按五行志永康元年三月

按五行志永康元年三月

按五行志永康元年三月

尉氏雨血夫政刑舒緩則有常煥亦祿之妖此歲正月送愍懷太子幽於許宮天戒若曰不宜緩念姦人將使太子冤死惠帝愚昧不寤是月愍懷遂斃於是王室釁成禍流天下

愍帝建興元年十二月河東雨肉

按晉書愍帝本紀云云

穆帝末和五年趙國雨血

按晉書穆帝本紀不載 按石遵載記季龍以咸康元年僭位至永和五年凡十五歲於是世即僞位石遵聞季龍死驪兵入鳳陽門升太武前殿假劉氏令以遵嗣位遵僞讓再三乃僭即尊位雨血周徧鄴城

梁

武帝大同元年雨土

按梁書武帝本紀不載 按隋書五行志云云

大同三年天雨灰

按梁書武帝本紀大同三年正月壬寅天無雲雨夾黃色

按隋書五行志三年天雨灰其色黃近黃祥也京房易飛侯曰聞善不及茲謂有知厥異黃厥咎孽厥災不嗣蔽賢絕道之咎也時帝自以為聰明博達惡人勝己又篤信佛法捨身為奴絕道蔽賢之罰也

簡文帝大寶元年雨沙

按梁書簡文帝本紀大寶元年丁未天雨黃沙

按隋書五行志大寶元年正月天雨黃沙二年簡文帝薨九土而吞之尋為侯景所廢以土囊壓之而斃諸子遇害不嗣之應也

後主至德三年雨赤物

按陳書後主本紀不載 按隋書五行志至德三年十二月有赤物墮於太極殿前初下時鐘皆鳴

北魏

世祖太延四年雨土

按魏書世祖本紀不載

按靈徵志太延四年正月庚子雨土如霧於洛陽

世宗景明四年雨土

按魏書世宗本紀不載

按靈徵志景明四年八月辛巳涼州雨土覆地如霧

正始二年雨土

按魏書世宗本紀不載 按靈徵志正始二年正月辛丑土霧四塞

北齊

武成帝河清二年雨血

按北齊書武成帝本紀河清二年十二月雨血於太原

按隋書五行志劉向曰血者陰之精傷害之象僵尸之類也明年周師與突厥入并州大戰城西伏屍百餘里京房易飛侯曰天雨血染衣國亡君戮亦後主亡國之應

河清四年雨赤物如漆鼓

按北齊書武成帝本紀河清四年三月有物墮於殿庭如赤漆鼓帶小鈴

按隋書五行志河清四年有物墮於殿庭色赤形如數斗器衆星墮者如小鈴明年婁太后崩

北周

靜帝大象二年正月雨土

按周書靜帝本紀大象二年春正月戊申雨雪止又雨細黃土移時乃息

按隋書五行志大象二年正月天雨黃土移時乃息與大同元年同占時帝昏狂滋甚期年而崩至於靜帝用遜厥位絕道不嗣之應也

隋

高祖開皇二年雨土

按隋書高祖本紀開皇二年二月庚子京師雨土

按五行志開皇二年京師雨土是時帝懲周室諸侯微弱以亡天下故分封諸王並為行臺專制方面失土之故有土氣之祥其後諸王各謀為逆亂京房易飛侯曰天雨土百姓勞苦而無功其時營都邑後起仁壽宮頽山堙谷丁匠死者大半

開皇六年雨毛

按隋書高祖本紀六年秋七月乙丑京師雨毛如馬鬣尾長者二尺餘短者六七寸 按五行志京房易飛侯曰天雨毛其國大饑是時關中旱米粟涌貴

開皇七年雨石

按隋書高祖本紀七年五月己卯雨石於武安滏陽

問十餘里 按志作十七年事 今從本紀補次

唐

太宗貞觀七年雨土

按唐書太宗本紀貞觀七年二月丁卯雨土

高宗永徽三年雨土

按唐書高宗本紀永徽三年三月辛巳雨土

中宗嗣聖四年 按武后垂 雨金